

Björkin

Fréttabréf 2020 - 2021

Starfsmenn á Björkinni 2020 – 2021:



Lilja Dís Hilmsdóttir
leikskólakennari
vinnutími: 8:00-
16:00/ 8:15-16:15



Lilja
Valdimarsdóttir
leikskólakennari
vinnutími:
7:45/8:00 - 15:00



Bianka Weissflog
grunnskólakennari
vinnutími: 7:45-
16:00/8 :15- /16:15



Júlía Birta Baldursdóttir
Leiðbeinandi/afleysingVinnutí
mi 8:00-16:00

Lilja Dís og Lilja hafa sameiginlega deildarstjórn. Þær skipta með sér verkefnum og stjórnun.

Kiddý, Sigga, Helga og Júlía Birta munu sinna afleysingum á Krógabóli í vetur og koma við á öllum deildum meðal annars hjá okkur.

Hópstjórar eru með yfirumsjón yfir þeim börnum sem eru með þeim í hópi og sjá um skráningu í heilsubók og foreldraviðtöl viðkomandi barna. Foreldrar geta leitað til allra kennara á deildinni með dagleg samskipti og spurningar varðandi börnin sín. Foreldrar geta alltaf fengið samtöl við hópstjóra ef þeir vilja, með samkomulagi. Foreldrar eru þá beðnir um að vera með grímu sem þeir koma með sjálfir.

Hópaskipting

Atli Hrafn Charlotta Jóhanna Erik Ingi Eva Sól Hjörtur Reynarð Nökkvi Þór Þórey Halla Hópstjóri: Lilja Dís	Adrian Amir Ásrún Halla Guðjón Þór Karen Molly Mist Óliver Stefán Sunna Berglind Viktor Aleksander Hópstjóri: Lilja	Daisy Björk Gunnar Helgi Jón Eyvindur Karen Birna Kristín Sara Ragnar Norðfjörð Valberg Þór Þórunn Gunný Hópstjóri: Bianka
---	---	--

Fjöldi barna á Björkinni eru 23:

Öll börnin eru fædd 2016 –11 stúlkur og 12 drengir.

Mánudagar - Útikennsla - vettvangsferðir.

Í vetur, líkt og undanfarna vetur förum við í skipulagðar vettvangsferðir. Við förum víða um bæinn bæði gangandi og með strætó. Markmið ferðanna er að byggja upp þrek og þol barnanna, kynna

þeim heimabæinn og nágrenni hans sem og að bera virðingu fyrir umhverfinu og náttúrunni. Mikil áhersla verður á að börnin gangi í röð og fari eftir fyrirmælum. Yfirleitt munum við leggja af stað uppúr kl. 9:00 og komum til baka um kl. 11:00. (Fyrir áramót á mánudögum en á þriðjudögum eftir áramót.)

Í þessum vikulegu ferðum okkar fer fram mikið nám og hreyfing og er nauðsynlegt að nemendur hafi fatnað við hæfi, sérstaklega skófatnað.

Þriðjudagar - hópastarf

Unnið verður með sex grunnþætti menntunar sem eru skv. aðalnámskrá: læsi, sjálfbærni, heilbrigði og velferð, lýðræði og mannréttindi, jafnrétti og sköpun.

Markmiðið með málrækt á Krógabóli er að gefa börnunum tækifæri á að kynnast betur tungumálinu og möguleikum þess. Í daglegu starfi er alltaf verið að vinna með málið á ýmsa vegu. Lögð er áhersla á að börnin fái tækifæri til að nota málið á fjölbreytilegan hátt í starfinu m.a. með því að læra þulur og vísur, syngja og segja frá.

Við vinnum mikið með hljóðkerfisvitundina en hún hefur forspárgildi varðandi hvernig barni gengur að læra að lesa. Við kennum börnunum að hlusta með því að lesa fyrir þau og förum í athyglisleiki.

Byrjum að vinna markvisst með takt og rím með tveggja ára börnunum, höldum áfram og bætum við flóknara rími og leik með málið hjá þriggja og fjögurra ára börnum. Á þeim aldri er einnig lögð áhersla á að kenna börnunum að ritað mál og að tákn hafi merkingu. Hjá fjögurra og fimm ára börnunum bætist við leikur með máhljóðin, að finna hljóð í orðum, raða saman orðum og taka þau í sundur.

Við stefnum að því að börnin geti skrifað nafnið sitt þegar þau útskrifast úr leikskólanum og að þau þekki nokkra bók- og tölustafi.

Í vetur vinnum við með þrjár dygðir:

[Hugrekki](#) fyrir áramót

[Ábyrgð](#) og [áreiðanleiki](#) - eftir áramót

Allt okkar starf litast af þessum dygðum, s.s. í samveru, listsköpun og hreyfingu.

Í lok innlagnar hvernar dygðar erum við með dygðarstund þar sem kennarar og börn deildanna skiptast á að skemmta hinum.

Við ætlum að vinna markvisst að því að börnin tengist vel í hópnum og að þau geti tekið tillit til félaga sinna í leik og verkefnavinnu. Á tímabilinu verðum við með dygðastund þar sem kennarar og börn deildanna skiptast á að skemmta hinum.

Hópastarf verður á þriðjudögum kl. 9:30 - 11:00 í vetur (fyrir áramót, eftir áramót verður hópastarf á mánudögum á sama tíma)

Miðvikudagar - hreyfing

Hreyfing er hluti af okkar daglega lífi hér á Krógabóli. Í salnum eru hreyfistundir og njóta börnin markvissra hreyfinga vikulega þar. Þetta eru mjög vinsælar stundir hjá börnunum og eru þær hafðar fjölbreyttar og skemmtilegar, allir ættu að finna eitthvað við sitt hæfi. Tímarnir byrja á því að börnin eru boðin velkomin og stundum er smá spjall til að ná góðri tengingu saman. Upphitun er hluti af hreyfingunni og þar læra börnin að fara eftir fyrirmælum um upphitunaræfingar. Börnin læra ýmsar tegundir af hreyfingu í salnum m.a. að fara í gegnum þrautabrautir, stöðvarþjálfun og gera æfingar fyrir heilsubókina.

Þau fá kynningu á ýmsum íþróttagreinum. Oft fer tíminn í ýmsa hreyfileiki, gamla og nýja og í lok hvers tíma þökkum við fyrir tímann. Á vissu tímabili yfir veturinn er krakkajóga og þá helgast tíminn af því, börnin æfa m.a. jafnvægi, einbeitingu og slökun. Krógaból er heilsuleikskóli og í nóvember og mars er heilsubókarvika, þá gera börnin æfingar eftir stöðluðum hreyfi æfingum og er það skráð í heilsubók barnsins. Við förum einu sinni í mánuði í íþróttahúsið í Síðuskóla og höfum gaman.

Fanney Særún Benediktsdóttir, leikskólakennari mun sjá um hreyfinguna á Krógabóli í vetur.

Vikulegar hreyfistundir á Björkinni í vetur verða á miðvikudögum fyrir hádegi.

Fimmtudagar - listasmiðja.

Á fimmtudögum höfum við listasmiðju til afnota allan daginn. Við útbúum hin ýmsu verkefni sem tengjast t.d. árstíðunum, vettvangsferðum og þeirri dygd sem verið er að vinna með hverju sinni. Við notum alls kyns efnivið s.s. málningu, blek og lím og þrátt fyrir að börnin fari í svuntur geta alltaf komið óæskilegir blettir í fötin. **Fatnaður á fimmtudögum þarf því að vera í samræmi við þennan efnivið.**

Föstudagur

Á föstudögum verður frjáls leikur í hávegum hafður og á þessum dögum erum við oft með uppákomur og opnum milli deilda.

Föstudagar - Söngvaflióð - samstarf leikskóla Akureyrarbæjar og tónlistarskólans

Verkefnið gengur út á það að kennarar tónlistarskólans munu heimsækja alla leikskóla bæjarins vikulega og leiða þar söng með elsta árgangi leikskólanna, börnum sem fædd eru 2015. Á Krógabóli munum við hafa söngstund með öllum börnum á Lóu, Spóa, Björkinni og Öspinni.

Með heimsóknum sínum vilja kennarar Tónlistarskólans vinna í því, ásamt öðrum kennurum, að gera börnin meðvitaðri um menningararfleið sína og tengja saman tónlist, hreyfingu og hljóð.

Til okkar á Krógaból mun Ívar Helgason tónlistarkennari koma á föstudögum kl 09:00.

Hægt er að fylgjast með verkefninu á síðu tónlistarskólans tonak.is

Veikindi

Leikskólinn er ætlaður heilbrigðum börnum. **Barn á ekki að koma í leikskólann ef það er með hita og ef barnið er með kvef, hósta og að minnsta kosti eitt af eftirtöldum einkennum til viðbótar:, slappleika, höfuðverk, beinverki, þreytu, kviðverki og/eða niðurgang.**

Á deildinni eru 8 börn á hvern starfsmann og býður stundaskráin ekki upp á að hægt sé að starfsmaður geti verið inni með eitt barn. Barnið verður að vera búið að vera heima hitalaust í einn til tvo daga áður en það kemur aftur í leikskólann.

Barn skal sótt í leikskólann ef heilsufar þess breytist; barnið fær hita yfir 38°C og flensulík einkenni.

Leitið ráðgjafar hjá heilsugæslu:

Ef vafi leikur á því hvort barnið ætti að fara í leikskólann.

Til að fá nánari upplýsingar um einkenni.

Afmæli

Á afmælisdegi barnsins eða þann dag sem haldið er upp á afmæli þess í leikskólanum fær barnið að vera borðstjóri. Ekki er leyfilegt að koma með neitt að heiman í tilefni dagsins. Við gerum daginn eftirminnilegan fyrir barnið, það fær kórónu, við syngjum afmælissönginn og kveikjum á kertum sem barnið síðan blæs á. Allt er þetta myndað og fær barnið afmæliskort með myndum af sér á afmælisdaginn.

Ekki er leyfilegt að setja afmælisboðskort í hólfi barnanna þar sem skapast getur óþarfa leiðindi ef eitt barn fær boðskort en annað ekki.

Leikföng og matur

Af gefnu tilefni viljum við biðja ykkur um að ræða við börnin ykkar að koma ekki með dót eða aðra hluti í leikskólann. Það hefur komið upp óánægja meðal barnanna þegar sumir koma með en aðrir ekki.

Einnig er stranglega bannað að koma með mat í leikskólann þar sem börn í leikskólanum eru með bráðaofnæmi. (Það er freistandi að fá að smakka eitthvað góðgæti sem vinirnir hafa meðferðis)

Foreldrasamtöl

Á tímabilinu mars til maí eru foreldrar boðaðir í samtöl þar sem farið er yfir heilsubók barnsins, þroska og líðan þess í leikskólanum. Ef óskað er eftir fleiri viðtölum þá er sjálfsagt að veita þau og hvetjum við ykkur til að hafa samband við okkur kennarana. Foreldrar munu þurfa að hafa grímu, sem þeir koma með sjálfir, í samtölum þar sem ekki er hægt að tryggja fjarlægðarmörk vegna Covid-19 sóttvarna.

Kaffidagar

Á skóladagatali okkar er fyrirhugað að hafa aðventukaffi 1. desember en vegna aðstæðna í þjóðfélaginu og með tilliti til sóttvarna, verður því miður ekki hægt að bjóða foreldrum í leikskólann að þessu sinni.

Vistunartími

Leikskólinn er opinn frá **7:45-16:15**.

Við viljum vinsamlegast biðja ykkur um að virða vistunartíma barna ykkar.

Barnið á að vera farið úr leikskólanum þegar vistunartíma þess líkur t.d. ef barn á vistunartíma til kl. 15:00 eða 16:15 þá á það að vera farið úr leikskólanum á þeim tíma. Sama gildir á morgnana, börn sem eiga tíma frá kl. 8:00 koma ekki fyrr en kl. 8:00.

Ef eitthvað óvænt kemur upp á þannig að þið komist ekki á réttum tíma þá vinsamlegast hringið og látið okkur vita, þetta á sérstaklega við þegar nemendur eru sóttir. Best er þá að hringja í gsm númerið okkar 6496223.

Fataherbergi

Engar töskur eiga að vera í leikskólanum, ekki heldur ofaná kössunum. Foreldrar koma með þau útiföt sem barnið þarf að nota yfir daginn og fötin eru látin í hólfi barnsins svo barnið geti sjálft nálgast fötin og klætt sig sjálft.

Á Björkinni og Öspinni er kassinn á efri hillunni ætlaður undir auka innifatnað.

Í kassann á að fara: 2x nærbuxur, 2x sokkar/sokkabuxur, 2x buxur, 1x nærbolur, 1x peysa.

Í hólfinu fyrir neðan hilluna á að setja útiföt: Húfu, tvö til þrjú pör af vettlingum, pollavettlinga, útipeysu og (flísbuxur).

Fatnaður sem á að hanga er: útiföt eftir veðri, úlpa, snjófatnaður, pollaföt.

Munum að veðurfar er fljótt að breytast - sól að morgni getur breyst í rigningu eftir hádegi.

Skór fara upp á skógrind fyrir neðan hólfin og stígvél einnig.

Mikilvægast af öllu er taupokinn (sem öll börnin hafa fengið að gjöf frá Krógabóli), Hann er ætlaður til að flytja fatnað milli heimilis og skóla og undir blaut og skítug föt eftir daginn. **Taupokinn á að hanga á snaga í hólfinu meðan barnið er í leikskólanum.**

Við endum alla daga á útiveru og viljum minna á að í lok dags mega foreldrar fara inn að sækja fatnað í fathólf barnanna ef þeir telja þörf á. **Vinsamlegast ekki klæða börnin úr útifatnaði í fataherbergi til að fara í aðrar yfirhafnir.**

Bílaplan leikskólans

Á bílaplani leikskólans eru tvö stæði fyrir fatlaða.

Stæðiskort fyrir hreyfihamlaða veitir heimild til að leggja ökutæki hvar sem er á landinu í bifreiðastæði sem ætlað er fyrir fatlaða og auðkennt er með þar til gerðu umferðarmerki. Í leikskólanum eru börn sem eru í flokki fatlaðra og eiga foreldrar þessara barna rétt á að nota þessi bílastæði. Einnig geta verið í leikskólanum foreldrar sem eiga rétt á að leggja í þessi bílastæði en bera ekki sjúkdóma utan á sér og biðjum við foreldra að virða það.

Einnig viljum við minna foreldra á að slökkva á bílnum þegar þeir koma með eða sækja barnið. Þegar bílar eru enn kaldir myndast tiltölulega hátt hlutfall af eiturgasinu kolmónoxíð og í hægum vindi liggur þetta eitur í öndunarhæð barnanna.

Athugið að það á að **keyra inn á bílaplanið um efri innkeyrslu og út um neðri útkeyrslu**, þetta er sérstaklega mikilvægt á álagstímum á bílaplaninu sem er um kl. 8.00 og um kl.16:00. Einnig er mikilvægt að foreldrar upplýsi aðra ættingja sem eru að sækja eða koma með börnin ykkar í leikskólann um þessa reglu.

Við viljum ítreka við ykkur þá reglu að loka og læsa leikskólahliðinu þegar þið eruð að ganga um það og gæta þess að ekkert barn fari út um hliðið nema ykkar eigið. Einnig viljum við benda ykkur á að nefna þessa reglu ef einhver annar en þið sækir barnið.

Að lokum viljum við nefna þá **reglu að börnunum sé ekki leyft að opna né loka hliðinu þegar gengið er um það.**

Karellen

Við notum leikskólakerfið Karellen til að halda utan um alla mætingu nemenda. Í kerfinu er einnig boðið upp á skráningu á matartíma barnanna auk þess sem myndir af börnunum eru settar inn á þeirra svæði.

Foreldrar geta á einfaldan hátt sent skilaboð til deildar barnsins með upplýsingum t.d. um veikindi, hver nær í barnið og svo frv. Á sama hátt geta kennarar sent skilaboð til hópa eða einstaka forráðamanna innan kerfisins.

Karellen er einnig til sem app og mælum við með að þið náðið í það í símana ykkar eftir að þið hafið virkjað aðganginn á vefsíðunni.

Dagatal

Mánaðarlega útbúum við dagatal og þar má sjá hvað verið er að gera hvern dag. Dagatalið er sett inn á Karellen heimasíðu deildarinnar. Hægt að prenta það út og hvetjum við alla til að gera það. Börnin hafa mjög gaman af að fylgjast með hvað bíður þeirra næsta dag eða í mánuðinum.

<http://krogabol.karellen.is>

**Kveðja frá kennurum Bjarkarinnar með von um gott samstarf í vetur
Lilja Dís, Lilja, Bianka og Júlía
og allir hinir**